

ВКП(б)-лэн Дебесской райкомезлэн, райсоветлэн органзы

## Хулиган'ёслы ноқыче пощада өвөл сётоно

Куке вуэ уй, капиталистической странаосысь город'ёслэн ульчаосазы пото буржуазной обществолэн подонок'ёсыз, отребьеосыз—вор'ёс, проститут-каос, хулиган'ёс.

Уголовщина—капитализмлэн постоянной но неизбежной спутникез. Сое кылдытэ классовой общество, кудйз основать каремын насилие, грабеж но пбьяляськон вылын. Буржуазия уг быгаты палэнскыны уголовциналэсь, кызы уг луы палэнскыны аслад вужередлэсь.

Буржуазной странаосын ужтэ улон, куанермон но сютэк улон сюрс'ёсын адямиосты шонтэ шонер сюрес вылысь, юбса, развратничать, хулиганить карыса улон сюрес вылэ.

Хулиганство выразятсь кариське вуж улоплэн сисьмемез. Тужгес отвратительно со, что господствовать карись эксплуататорской класс'ёс асьсэлэн интерес'ёсы понна брезговать уг каро пользоваться кариськыны хулиган'ёслэн услугаосынызы но. Озы например, государственно-организационной хулиганствоен вал вань программной деятельностез черносотенной «союз русского народа» лэн, кудйз царизмен кылдытэмын вал со понна, чтобы вیره жокатыны революционной движениез, чтобы расправлять кариськыны рабочий класслэн умоесь адямиосыныз.

Советской странаи кемалась быдтэмын ни хулиганство лэн кылдон экономической но политической выжыосыз: асьмелэн өвбл эксплуатация но угнетение, каждой муртлы асьмелэн сётэмын котькыче условно честно ужан понна, эрико но всестороне развиваться кариськон понна, страна лэн политической но культурной улоназ, всенародной социалистической ужын участвовать карыны понна.

Хулиганство Советской муз'ем вылын чидантэм, ядовитой сорняк кадь, капитализмлэн секыт но кышкыт пережитокез кадь.

Великой Октябрьской социалистической революция бере Ленин ялыз решительной война узыр'ёслы, жулик'ёслы, туняедец'ёслы но хулиган'ёслы. Ленин гожтылыз: «Новы-

че пощада но өвөл сётоно калыклэн та враг'ёсызлы, социализмлэн враг'ёсызлы, трудящейёслэн враг'ёсызлы» (Ленин, т. XXII, стр. 164).

Советской калык уг чиданы но уз быгаты, чтобы хулиган'ёс ноқыче наказание нуытэк мед нарушать карозы государственн социалистической правовой порядокез.

Сталин эш дышетэ, что общественной порядокез дезорганизовать карисьёс пумитэ, туняедец'ёс но паразит'ёс пумитэ кылдытоно всеобщий бойкот но ненависть.

Предприятиослы но учреждениосын зол порядок, государственной имуществозе возман, советской адямилэн личной достоинствозе—ваньмыз таос кулэ дуныны оградит каремын хулиганлэн покушенизлэсь. Советской закон сурово карать каре хулиган'ёсты, куд'ёсыз советской калык'ёслэн чалмыт но культурно улонзылы, соослэн мирной но шумпотыса улонзылы люкето.

Хулиганство котьку вал антисоветской характерен. Но али котькулэсь юн будйз хулиганлэн—буянлэн, дебоширлэн, скандалислэн, общественной безопасностез нарушительлэн кышкытдыкез, кудйз советской гражданинлэн правоосыз вылэ посягать каре. Пьяница лэн, нахаллэн, скандалислэн, насильниклэн маска улаз чөм дыр'я ватско пазгем эксплуататорской класс'ёслэн, белогвардейциналэн но кулачестволэн кылем-мылем'ёсыз. Соослэн цельзы—асьме город'ёсыс но селосыс трудовой калыклэн улоназы растройство пыртон.

Хулиганство—не только секыт зло но калыклэн улон вылонзлы пумит действительн дуэ.

Талэсь азьвыл озы нимаськысь пичиесь хулиганской выходкаос, кудйемен скандалить карем'ёс, оскорбление чөм дыр'я милицаен гинэ эскериськылызы но карать карылызы туж пичиесь штраф'ёсын, а чөм дыр'я номыре но өз карылэ. Валамон, что та өз луылы воспитательной но исправительной значениен.

1940 арын 10 августэ СССР-ыс Верховной Советлэн

Президиуменыз поттэм Указ'я, предприятиосын, учреждениосын но общественной местаосын хулиганской действиос караться карисько одйг ар тюремной заключениды, если та действиос асьсэ характерзын секыт наказаниелы ке уг кельшо. Табере одйг хулиган но уз кошкы судлэсь суровой наказани басытытэк.

Та Указ потэм дырысен асьме Дебесс районамы 12 хулиганской уж'ёс нарсудэн эскерыса, хулиган'ёс карать карылымын. Тани Дебессыс С. С. Фомин столовойн, ульчаын кулэтэм шуйи кыл'ёсын даллашем но оскорблять карем понна 1 арлы тюрьмаын пу-

кыны судить каремын. Уд-Лемысь Ф. Н. Баженов уйшор котыр сельсоветэ лыктэм но, телефонэн тобмаен звонить карылым, телефон шыр даллашем. Тоже 1 арлы пунктэмын. Одйг арлы тюрьмае пунктэмын хулиганить каремез понна М.Чепцаыс Т. С. Поздеев.

Советской калык бадзым шумпотонэн пумитаз хулиганствоен нюр'яськон сярэсь правительстволэсь мероприятиосэс. Ненокыче но пощада өвбл паразит'ёслы! Революционной законность зырдатэм кортэн сүтоз хулиганствозе асьмелэн улон-вылоньсытымы. Сузялоз Советской муз'емез котькыче уголовциналэсь.

## Советской Союзын

### Избирательной комиссиосы самой умой адямиосты быр'е

Тарнополь, 16 октябре. (ТАСС). Тарнопольской областысь город'ёсын но селосын жутокем мылдыдын ортчыло избирательной кампанилэн кутскемезлы сйзем собраниос но митинг'ёс.

Социалистической родинаез юн яратэмэ но солы преданностез возматись арыкт демонстрациды пөрмиз Кременц городыс интеллигенцилэн собраниез.

Собраниян выступать карисьёс веразы Советской властылэн одйг арез чөже городлэн азинскем'ёсыз сярэсь. Кременцын усьтэмын выль больница, педагогической институт, кык клуб'ёс, «выль школаос.

Областын толон котькытын ик куткеиз интыгы Совет'ёсы быр'ён'ёс'я окружной избирательной комиссиослэн

составазы кандидатураосты быр'ён. Кременц городыс буругольной шахтаыс рабочийёслэн, инженер'ёслаэн но служащейёслэн коллективзы выдвинуть кариз аслэстыз самой умоесь адямиосэс—забойщикез Даренский эшез но откатчицаез-комсомолкаез Карлик эшез.

Зборов городыс вукоыс ужасьёслэн но служащейёслэн собранизы ренять кариз окружной комиссие представителен ыстыны азьло рабочиез, али вуколэсь директорз Бурый эшез.

Ваньэ избирательной комиссиосы Тарнопольской областын выдвинуть кароно ог 72 сюрс муртэ.

Областылэн город'ёсыстыз но селосыстыз сюрс'ёсын ляд'ясыкыс агитатор'ёс калык пблын валэктон уж нуо.

### Помещик'ёслэн дворец'ёссы

#### пересьмем'ёс понна коркаослы

Вильнюс, 18 октябре. (ТАСС). Азьло помещик'ёслэн имениосы калык кие сётэмын. Та дворец'ёсты али тупат'яло пересьмем труженник'ёслы улон коркаос улэ. Таче корка тупат'ясыке, кылсярысь, Яшунской волостысь «Яворово» именин. Та помещичьей коркан—12 бад-

зымесь комнатаос верандаен, котырак—туж шулдыр парк. Коркалы подобной хозяйство кылдытыны 30 гектар муз'ем вис'ясыке.

Со мында ик муз'ем вис'ямын пересьёслэн мукет корказылы—Тургельской волостысь, азьло «Андреево» именин.

## „АННОК“

### Кутсаськон но кын улэ гырон быдтэмын

Достойно пумитало Удмуртилэсь XX годовщиназэ но Октябрьской революцилэсь XXIII-тй годовщиназэ Портурнес сельсоветысь азьмынсь колхоз'ёс. Кутсаськонзэс но кын улэ гыронзэс быдэстиз ни колхоз „Тосели“, председателз Ф. Я. Серебренников. „Нов. Сири“ колхоз 100 процентлы быдэстиз кутсась-

конзэ, „Промкустарь“ быдэстиз кын улэ гыронзэ. „МОПР“ колхоз, председателз Трефилов М. Г., вань пудо вордон фермаоссы укомплектовать каремын: МТФ, СТФ но ОТФ. Нылетйез птицеферма организовать каремын ни.

И. Е. Стрелков.

### Клубмес оборудовать карим

Удмуртилэн XX годовщиназэ азелы, ми Лесгурт сельсоветысь «1-й луч» колхозысь колхозник'ёс но дышетекис'ёс, клубмес оборудовать кары-

ны субботник ортчытым. Субботникмы ортчиз умой, организованно.

В. Серебренников.

### Книжной выставка

Удмуртилэн XX-тй но Октябрьской революцилэн XXIII-тй годовщиназэ азелы, районной библиотека лэсьтэ: удмурт книгаосын выставка, Удмуртиысь гражданской войныны монтаж. Озы ик Удмуртиысь знатной адамиослы

монтаж лэсьтэмын луоз. Возматйськоз Удмуртилэн достижениясыз.

Удмуртилэн исторйез сярысь библиотекаын беседаос, лекциос ортчытылыськозы.

А. Мочалова.

### Вакциак

☉ Кидыслы кельтэм клеверез турнаса, октытэн-калытэн муз'ем вылэ кельтыса сисытытйзы Аргуртын. Та колхозысь Бушмакин бригадир колхозник'ёслы уг гож'я ужам трудоденьзэс трудовой книжкаосазы, соин ик колхозник'ёс уг тодо кбня ужамзэс,

☉ „Мопр“ колхозысь Е. Трефилова азьтэм'ясыкыса ужаменыз етын куроез ылыс (збк) вблдиз но, соин со сисымиз яке кучо пестро визиз. Трефилова чем дыр'я ужаны потамтэныз дисциплинаез колхозын куашкатэ. Колхоз правление нош солы но кыче ужрад'ёс уг куты

Спирядов.

Т.

### Английской противовоздушной обороналэн ужамез

Лондон, 18 октябр. (ТАСС). «Ньюс Кроникл» газет гожтэ наблюдать карон пост'ёслэн ужамзы сярысь. Та пост'ёс ивортло Англиез атаковать карись германской самолет'ёслэн лыктэмзы сярысь. Быдэс Англия 50 район'ёслы люкылэмын. Котькудаз районын ПВО-лэн наблюдательной службаезлэн штабез вань. Пост'ёсты 50 сюрслэсь трос мурт обслуживать каре, соос быдэс сутка чоже дугдытэк эскериськыса уло. Истребительной авиацилэн ужез, воздушной загражденилэн аэростат'ёсызлэн вылэ жутеконзы, озы ик прожекторной установкаослэн но зенитной батареяослэн уж'ёссы пуктэмын наблюдать карись пост'ёслэн сэтэм сведениоссыя. Сыче пост'ёс котькытын ик вань. Наблюдательёс простой прибор'ёсын гинэ тодо германской самолет'ёслэсь куд-

кеметй лыктэмзэс, собере телефон пыр центре со сярысь вань кулэ сведениосы сето. Куазь пеймыт луэм бере германской самолет'ёслэн кытй лобэмзэс тодо мотор'ёслэн гуретэмзы но наблюдать карон центр'ёслэн сэт'ян сведениоссыя. Озы ужаса, тырмыт точной даннойёс сето. Котькуд наблюдательной пост'ёслэсь сведениоссэс пусйыло бадзым карта вылэ. Со карта трос квадрат'ёслы люкылэмын. Та карта тодыны луэ германской самолет'ёслэсь лыдзэс, соослэсь кытй лобамзэс но макем вылти лобамзэс. Котькуд кбня ке секунд кустын карта вылэ пусйыське налет лэсьтйсьёслэн куд пала лобэмзы сярысь. Озы эскерыса улэмен, наблюдательной пост'ёслэсь сведениос басьтэм бере кбня ке секунд ортчыса, со сярысь ивортныны луэ истребительной авиацилэн штабезлы.

Кыктэтй республиканской Дебесской колхозно-совхозной театр 1940-1941 арлэсь зимней сезонзэ усътйз И. Г. Гавриловлэн „Аннок“ пьесаеныз.

„Аннок“ пьесаяз драматург Гаврилов эш правдиво возматэ азьло дыре бесправной забитой удмурт ныллэсь секытын, курадзыса синвузэ кистыса улэмзэ. Аннок, пьесалэн главной действующей лицевоз. Вакчаик вераса, пьесалэн таче содержания. Бубытэм но инэнэтэм кылем нылмуртэз Аннокез, солэн кенакез кужмысь сётэ узыр кулаклен удалтымтэ Антон пьезлы. Аннок нош яратэ вал Сергей егит пьез. Аннокез кулаклы сётыса, соослэн семьязы котькызы но ултяны сое выро. Мужикез (картэз) Антон, жугыса возе Аннокез.

Курадзыса, секытын улэмезлы чидамтэныз, Аннокез Сергеен нош ик уртче кариськыса, пегзыны малпало. Аннок нош ивор басытэ, что Сергеез Антон вииз, соин ик но кыче выход шедьтымтэныз, отравиться кариське, кулэ.

Дебесской театрлэн коллективез азьпалаз пуктэм задачаеныз умой шонерскиз. „Аннок“ пьеса бадзым под'емен ортчиз. Трос интыосын учкис'ёслэн синвуоссы потано лубылэз.

Умой шудэменызы тужгес отличиться кариськызы: актриса Наговицына, кудйз шудйз пьесалэз главной рользэ—Аннокез но Петров артист, кудйз шудйз Анноклэсь яратысьсэ Сергеез. Озы ик асьсэ роленызы умой справитесь кариськызы Широков, Болтачев, Ложкина, Малых, Ушаков но мукет'ёсыз артист'ёс.

Иин чош ик вань тырмытэосы но. Басытом Сергейлэсь рользэ, сое шудйз артист Петров. Со егит пи, Нырысь действиин Сергей шудо, визьмо егит пи, со яратэ Аннокез, малпаське сое кышно вайыны. Бадзым шумпотон. Соин ик со котькинлэсь трос серек'я, кырба. Озы ик кулэ возматйыч. Но кукке дыре, нырысь действиин Сергей шумпотонзэ умой возматйыны уг быгаты. Солэн серек'ямез куд ке дыре шузи муртлэн серек'ямезлы пырыське. Петров артисты возматонно шудо, визьмо, положительной егит пилэсь образзэ. Серек'яны дышетсконо, сцена вылын астэ свободно чувствовать кароно.

Куиньметй действиин возы вылысен Сергей, Аннок но Антон пумитаськыса, Сергей Антонэн жугиськыны кутско. Антон мугорын пичи, шузи-гес, сое сэрпалляны гинэ кулэ вал Сергейлы, но Антон vorme пуртэн бычкалыса гинэ. Сцена вылын нош возматйськиз, что Сергей мугорын бадзым луыса, сое Антон шул-пал гинэ сэрпалля. Режиссерлы тае шонертоно.

Антонзэ кулэ вал шузи пиен возматйыны, отрицательной типез кадь. Учкись публика сое синадзонтэм мед кароз. Тугбаев артисты со образзэ возматон понна ёжит ужано на. Гримез но соответствующой луыны кулэ.

Ушаков но Ложкина артист'ёс шудон рользэс умой валаса, шудйзы умой. Сцена вылын астэ свободно чувствовать карыса шудыны дышетсконо Наговицына но Болтачев артист'ёслэсь.

Кбня ке кыл костюм'ёссы сярысь. Шбдске, что театр национальной костюм'ёсын начар. Вань ньылъ шедьтвиосаз ик артист'ёс шудйзы одйг костюмен. Тужге непростительно кулаклы. Кулак кен кураны но кутэн лыктйз. Сапеген соку сое кутчасы умой луысал. Собере бинялтон'ёссы сьбдэсь. Таиз но кызы но уг тупа. Егит'ёс кутэн бз ветлылэ шуыса вераны уг луы, но сыче сьбдэсь бинялтон'ёсын соос ноку но шудонэ, сюанэ бз мынылэ. Дирекциялы одно ик сюлмаськко театре тырмыт басытыны национальной костюм'ёс. Удмурт'ёс пблын улыса удмурт костюм'ёс басытыны шедьтыны уг дуы шуыса вераськем, луысал вал—сикын но пуктэ улэм кадь.

Та арын \* \* \* театрысь актер'ёслэн составзы 80 процентлы вошкемын. Глазовской театрысь ваньмыз удмурт артист'ёс каремын татчы. Москваысь лыктэмын художественной руководитель Горелов эш. Воштэмын озы ик директор но администратор. Актер'ёслэн составзы ватсаськемын квалифицированной мурт'ёсын. Нырысь шудэм „Аннок“ постановкаен соос возматйызы сцена вылын шудыны быгатэмзэс. Осконо луэ, что соос азьланын эшшо но будыса эшшо но умоесь постановкаос сётозы Дебесс районьсь но Удмуртиялэн вань северной район'ёсысьтыз трудящойёслы.

Пономарев.

Отв. редактор Г. ПОНОМАРЕВ.

### Ужасьёс кутйсько

Ижевской Мотоциклетной заводзэ реконструировать карон уже: плотник'ёс, каменщик'ёс, землекоп'ёс но мукет строительной ужасьёс пйёс'ёс но нылкышноос 16 аресысен. Котькыче справкаос понна обращаться кариське таче адрес'я: Дебесс село. Набережная ульча Е. А. Ложкинлэн домез, П. Ф. Поздеевлы.